

貴州通志 目錄

人物志五

分部清五
武功上

貴陽府

張繼聖 程志子元龍 王連 熊必昇 傅雲 高萬春 王忠貴

鄭毓成 金鼎鎮 張友白 張友奎 何其榮 胡琨 段文光 汪柱元

景玉春 庭中璧 黃正林 劉世培 陳安邦

安順府

卜萬年 李春勝 周廷亮 劉占貴 岳鐘秀 王嘉齡 洪昌運 張經

張起賢 袁德徵 張光燦 賀國泰 楊恆春 楊永森 黃遵亮 黃遵光

林國鼎 周培芳 袁作霖 陳鏞 陳蓮池 羅之楷 施政燮 林自清

田玉廣 管繼祥 王玉汝 張成貴 汪達源 龍廷襄 劉興國 趙德昌

興義府

張政 李賢翼 周文勝 張成 李成貴 李士林 周廷翰 張定邦

貴州通志

人物志五 目錄

張世鳳 劉紫玉 弟紫敏 保元龍 楊文海 郭懷仁 劉德達 楊國仁

梁金玉 保芝琳 保芝歡 陳天錫 劉紹堯 孫敏 夏承欽 桑 陸鴻儀

賀占鼈 陳啓麟 張維弼 林明 王居仁 王際盛 董奇容

大定府 張 張子良 張子良 張子良 王詔 劉朝貴 楊秀 李天貴 何洪源 宋璠

陳爲杰 羅詠春 王治昌 杜湘 陳世彬 王授矩 唐慎清 臧紹文

周宗濂 周希濂 周師濂 陳世昌 譚鴻模 王永貴 王杰昌 謝應祥

李 李 張朝宣 王國賓 田有成 艾如文 謝玉塔 彭壽椿 李林

武自珍 張朝龍 施國元 陳大倫 李步雲 安銘 李國隆 李國棟

蔡標 褚大榮 張廷樑 施文選 馬雲龍 孫德周 朱殿昌 方榮陸

朱光明 蔣洪道 向文美 馬榮魁 蔡正魁 唐文淑 薛陔 劉景昌

沙懷珠 楊發貴 安如山 王世杰 范雲

貴州通志

人物志五

分部清五
武功上

貴陽府

張繼聖字開來貴州人雍正五年以京營守備出守靖安堡有聲擢永甯路都司整

飭營務百廢俱興永甯爲出營盤口要路民出入載柴木爲生後禁民出入偷越者

多被逮繼聖詳請弛禁民便之文廟圯倡捐重修歿之日永人哭泣奔奠者不絕於

道

程志貴筑人以隨征長寨功授把總雍正十三年隨揚威將軍哈元生勦丹江凱里

等處屢著勞績乾隆十三年隨征金川投河南關封守備升直隸保定營參將加副

將銜子元龍字雲表乾隆三十五年武舉除撫標左營千總升黎平營守備調朗洞

營守備從經畧勒保征四川教匪有戰功升阜和協都司從提督擊賊與賊戰於唐

垭口手殺賊三十餘生擒賊十三人焚賊巢獲戰五旗二經畧勒保保升思南游

擊嘉慶二年八月教匪平旋思南引見賞換三品頂戴未履任擢長寨營參將十七

貴州通志

人物志五

年調丹江營傷發乞養疾卒於家

王連貴筑人乾隆三十三年以行伍從征緬甸攻賊棚奮勇躍入十餘人繼之遂破

其棚乘勢復攻得其三十二棚賊皆夜遁將軍瑞錄功授以官旋以攻憂鳩孟拱

孟養九龍江西等處積功至雲南總兵官卒葬圖雲閣下

熊必昇貴陽人以行伍從征緬甸功列超等拔補丹江營千總又從征金川賜棉甲

藍翎補古州守備已又升安籠都司大金川平升都勻游擊順雲營參將署隴陵協

副將

傅雲字從龍貴筑人乾隆四十四年以行伍補撫標左營外委五十二年台灣林爽

文反從總兵討之屢立戰功五十二年正月雲手擒爽文矛傷其右腿福康安賞以

大銀牌二月攻克下鼻頭又擒賊帥莊大田六月台灣平旋貴州五十九年進把總

六十年湖貴苗反二月從擊賊解正大營圍四月與賊戰於麥地戰甚力賊傷其左

臙創愈攻克大烏草河及狗腦坡升鎮遠千總嘉慶二年南龍神家苗反從總兵往

征雲先行開安枯排沙涼風坳諸處路以延官軍四月從擊賊於新城解其圍再戰

於碧峯山重被傷升普洱守備六月雲別率清江兵攻洞酒擒七緝緝升石阡都司

從翼長進兵黃草壩旋調往四川征勦教匪從四川將軍提督進兵所至有戰功升
貴州提標前營遊擊四年正月三月五月屢與賊戰於竹石坪手擒賊首羅其清七
月升永北營參將其月敘南籠功勦北鄉功最勦馬乃屯鑼鍋背松林紅崖亦最悉
予功勦紀錄又隨征至陝西十月攻克雙柏樹張公橋二道河大蓬寨生擒賊首李
潮擊殺賊帥張漢潮參贊大臣明亮奏請賞戴花翎俄從經畧額勒登保勦賊五年
五月擊殺賊帥龐洪勝生擒洪勝子有兒七月敘四川功攻克沙兜寨結石岡功皆
最又敘勦洞酒功獲賊帥王襄仙功次最通道碧峯功最克安有山梁功次最皆予
功勦紀錄六年正月從勦賊帥伍懷志於甯陝廳六月自舊縣關追懷志擒之於一
層崖又擒偽副帥胡長勝等十二人甯陝賊平七月從至四川開縣與賊戰於蒲月
槽擒其渠帥廖世雄魏瓊等十月生擒賊首高見奇於紫陽縣之邱家溝偽軍師偽
元帥周萬友等皆授首已別率兵屯班鳩關防賊衝逸七年四月追賊於羊圈至高
頭壩賊逸入湖北大溪河雲及之生擒賊目張二鏢賊目王國賢被圍急赴水死九
年七月川陝教匪悉平雲自興安還永北十一年十月調威遠營參將十四年十月
升竹山協副將十七年署陽陽總兵十八年正月旋竹山十九年陝西教匪復反雲

貴州通志

人物志五

二

率兵防關垣賊平旋任以傷發乞歸久之卒於家均貴州府志
高萬春貴陽人由武舉入提標學習期滿以千總用乾隆六十年黔楚逆苗滋事隨
雲貴總督福康安赴銅仁軍營勦平松桃等處克復圍城殲首逆石柳鄧擒賊渠吳
半生萬春俱在事有功賞戴藍翎嘉慶元年補黔西協右營千總時川陝楚教匪不
靖隨一等威勇侯額勒登保赴湖北軍營攻克四方臺中保等寨三年調赴四川軍
營協勦羅其清王三槐等賊匪四年四月升威遠鎮標左營守備仍留軍營十月遷
上江協左營都司五年正月遷下江游擊八月賊匪伍金桂竄甘肅成縣欲掠階州
官兵分三路截之萬春由左路抄擊殺賊甚衆六年正月賊匪高二馬五等據陝西
紫陽縣鳳凰山官兵至賊衆飛石如雨萬春奮勇登山身冒石傷直前撲殺官兵乘
勢殲匪千餘擒八百人奏入賞換花翎三月賊匪高二等由白玉河奪寶官兵進抵
龍池場萬春領兵別爲一路殲賊四百餘人擒百餘人十月賊衆屯紫陽縣三里寨
萬春隨總兵豐伸往剿帶兵六百先擊賊寨賊潰遁官兵分路進擊萬春從中路衝
殺擒賊渠高見奇及偽元帥周萬友等官兵繼之殲斃三千餘人下部議敘因左臂
石傷不能即痊由經畧大臣額勒登保奏開諭令回黔調養辦理本任營務十五年

遷雲南順雲營參將十八年補甯甯張輔國滋事經雲貴總督伯麟檄調往勦擒
之下部議敘十九年擢龍陵協副將二十一年署普洱鎮總兵道光元年補鶴慶鎮
總兵二年正月調昭通鎮總兵十月卒子繼魁貴州提標右營把總有恭二品廕生
光祿寺署正清史本傳萬春字勳遠乾隆戊申武舉入標効力累征銅仁松桃苗匪永綏
鎮逆匪湖北教匪陝西逆匪奮勇立功先賞藍翎繼換花翎歷陞昭通鎮鎮先是
萬春母卒時萬春方三歲賴叔母方氏撫之及後歷任各省以叔母不甘遠涉留妻
奉侍子繼魁甫完婚而失明方氏憂之爲買一妾送至署萬春以義女待之卽爲擇
普洱縣朱少慰之胞弟具查嫁之是年繼魁目復明後任提標右營把總人以爲德
報云其任龍陵協時歲大饑萬春捐俸賑濟全活甚衆至出師各省奮勇著績不矜
其功人咸重之以疾卒於任年六十四歲安明府志
王忠貴貴筑人由武生隸提標前營乾隆六十年隨勦黔楚苗匪石柳鄧石三保吳
半生等以迭次接戰奮勇拔外委又攻克苗寨多處擒吳半生及賊目吳八月隨老
二嘉慶元年大軍擒石三保復乾州城梟石柳鄧於貴魚坡並俘其子石老喬忠貴
均在事出力調貴陽城守營外委二年正月興義府神苗滋事忠貴以雲貴總督勦

貴州通志

人物志五

三

保檄隨巡撫馮光熊進勦六月攻隴屯殲賊二給六品頂戴十一月神苗平時川陝
楚教匪滋事有青黃藍白等號勒保以湖廣總督統四川軍務帶兵勦辦忠貴隸焉
三年正月軍抵梁山值賊首曾柳等新起於石壩與東鄉白號王三槐達州青號徐
添德耶陽月藍號林亮工各股爲應我軍擊之大捷二月王三槐徐添德竄達州
之蛟虫溪忠貴隨總兵富爾賽副都統七十五迭次追勦五月巴州白號羅其清竄
擾孫家梁一帶王三槐等股亦竄入巴州意圖合踞忠貴由扒山寺觀音岸等處追
至木頭灘俱有斬獲以功升水城營外委六月王三槐奔入耶陽之安樂坪徐添德
由蓋頂山分股來應我兵擊却之七月攻安樂坪七十二戰王三槐就擒忠貴均與
有功十一月隨攻東鄉白號冷添祿左腿受槍傷十二月擢黃平營把總四年二月
隨參贊大臣副都統額勒登保追勦徐添德冷添祿至長嶺岡斬首五級俘三名三
月殲冷添祿於廣安州之城頭堰六月隨川北總兵朱射斗殲耶陽月藍號賊包正
洪擢丹江營千總八月徐添德等竄夔州之七里壩一帶我兵截勦於大堰河殲三
百餘忠貴擒賊目李士貴九月巴州白號鮮大川苟文明與石添德合由開縣東竄
我軍疊戰於楊家山雞侯壩敗之十一月追勦至巴州之土地堡入其巢殲賊二

尋力戰於馬鞍山斬首四級五年正月襄陽藍號餘黨冉學勝等由陝竄入甘肅秦州鞏昌一帶二月隨經畧大臣額勒登保進剿岷州之臨江鎮抄圍賊巢斬首五級尋擢古州鎮標左營守備自六月至十月迭次追賊於湖北之黃鸞舖陝西洵陽之太冲溪漢逆黨陳傑又於陝西鎮安縣之手把岸洋縣之花園店鳳縣之岡板溝甘肅兩當縣之高店子靈官廟各山梁階州之平樂河佛入崖文縣之開寨等處勦擊擒斬多匪尋檄赴四川隨川北鎮總兵薛大烈搜剿達州開縣餘匪俘賊甚衆升兩廣督標中營都司六年五月升甘肅甯夏鎮標前營游擊時東鄉白號湯思蛟劉朝選與襄陽藍白號等匪勾結經官兵勦洗湯劉等逆與白號張天倫竄出楚境其藍魏股匪亦向陝界奔逸大軍分路追擊忠貴隨剿楚匪至竹谿縣之核桃園連日冒雨衝殺賊由向家壩一路奔竄我兵追之兩路兜截殲數百人其斃水過河之賊亦溺斃無算八月白號賊擾川北一帶忠貴隨陝安鎮總兵田朝貴由巴州進剿追至獅子山梁十一月追至廣元縣之白馬廟偵知樊家寨天台院等處均有匪匪乘夜潛師出擊賊驚覺奔上山梁薄之擒斬二百餘賊大潰十二月於通江縣之暗山寺衝入賊圍斬首七級擒九名二月迭戰於開縣之木管壩東鄉縣之大堰坪俱有斬

貴州通志

人物志五

四

獲三月田朝貴擊賊於巴州土地堡忠貴首先抄出賊前逼其去路官軍並力兜擊殲張天倫及偽元帥陳國球偽總兵魏學勝等敘功賞戴花翎五月偵知賊在通江縣之沙罐場山坳內藏匿忠貴隨朝貴連夜進兵縱火焚之賊大潰擒達州青號逆首徐天培進攻賈家山梁殲藍號股匪楊步青登賜銀牌撥指盒翎管鼻煙壺各件時三省邊界竄匪合計尚有五六千人於滿渠林箐隨處藏匿六月搜勦白果壩藍家崖桃灣等處迭有俘賊九月圍魚溪賊巢斬首九級擒五十名尋於北斗寨雙松坪及太平廳之黎樹坪等處迭次擒斬多名八年正月由太平追賊至大甯之高橋壩大黃溪擒賊魏中才等二月攻老黃壩右脅受石傷尋調安義鎮標左營游擊三月至六月搜勦東鄉通江及太平大甯各交界餘匪斬擒死盡七月教匪平凱徵回營十二月署永安協副將十四年署丹江協參將二十一年升雲南威遠營參將二十五年擢廣西潯州協副將道光五年丁母憂八年授福建延平城守協副將十三年署汀州鎮總兵十四年升浙江衢州鎮總兵十五年調福建甯鎮總兵十六年署陸路提督十七年調直隸正定鎮總兵二十年入覲二十二年調雲南鶴慶鎮總兵二十五年擢湖南提督二十七年新甯會匪雷再浩劫粵匪李世德等作亂

忠貴以湖廣總督裕泰檄馳往勦辦獲李世德等斬之雷再浩與餘匪屯深冲嗣據險抗拒忠貴密令管帶鄉團之舉人江忠源設計招致夥匪李尙開等誘再浩離巢官軍兩路兜剿李尙開等乘機內應遂擒雷逆並斬獲匪黨數百二十九年以年力就衰命原品休致賞食全俸咸豐元年由湖廣總督龔裕奏請入籍湖南沅陵縣元之三年卒子煥文廕生

貴州通志

人物志五

五

友奎集村人修葺于擺牛活佛山同治四年二月貴定潘匪焚至里中僅百餘人友奎時年七十執械督率悉力拒守賊薄山下滾石擊之賊怯引去鄰村多效之明年築壘殆遍賊至無糧可食而去實友奎倡其先也何其榮字梅軒廣順人弱冠入伍隸興義營隨安義鎮將征復各城拔補本標右營千總以監修盤江鐵鎖橋勞績補古州王嶺衛千總隨勦梅寨各處游匪屢立戰功保副將銜管帶左營遊擊隊駐防大定宣統元年署貴陽城守營遊擊後調補松桃協副將兼管松銅思石練軍旋以疾歿于任胡現貴定人由儒童從戎苗疆積功得官從征小金川緬甸均以戰績著官廣東高州鎮都司性廉介任威甯守備時有陣亡兵丁卹賞銀千餘兩皆無人承領現以建觀音寺爲兵丁設齋醮焉段文光貴定人由行伍官新添營外委嘉慶二年帶新添營兵從征四川白蓮教匪王三槐包正洪於新寧梁山等處屢戰克捷移功保都司六年凱旋任新添營平伐汛千總補左哨存城千總俸滿以年老告休汪柱元貴定人由武庠入新添營咸豐元年調赴黎平防堵二年隨督師向黎解長

沙圍繼攻皖南北進圍江寧克復寧國溧水等城皆著戰功晉廣西提標後營遊擊賞戴花翎給懋勇巴圖魯名號同治二年攻克丹陽特晉總兵陞授貴州松桃協副將四年春蒞任七年春簡放陝西榆林掛印總兵因原籍尚陷於賊老母未卜存亡請留黔幫辦軍務六月借提督張文德攻克龍里繼用奇由獅卜陽收復貴定在籍終制備甘肅涼州總兵當兵燹後戎政多所整飭任十四年卒於官附柱元自道光三十年隨前江甯將軍和春轉戰東南克堅城屢著勞績圍攻鎮江府上海縣城四次受傷手足皆被槍子洞穿腰脊受矛傷折骨每陰雨天寒舊傷即發不以為意同治十一年履涼州任整躬率屬營制整齊恩威並濟士卒悅服光緒十一年傷發疾卒照總兵例給卹附片

貴州通志

人物志五

六

亭則守險禦敵數十里恃以無恐

黃正林貴定人同治初由行伍隨提督趙德光攻剿苗匪績功保千總隨征雲南克復名城又擒逆首許雙貴解省光緒十年隨總督岑岑出師越南攻圍宜光用地雷轟斃敵夷無算和議成藉補騰越鎮左營千總任數年奉總督王委充騰永路保商營管帶就地籌款募兵千餘名商路通而英人隱憂以事去職甲午中東之役隨古州鎮丁槐募兵赴北呈地營圖說頗徵實用議和撤兵在河南管帶豫正右營防禦拳匪數年回籍卒於家

劉世培貴定人咸同間由新添營伍駐防城汛苗匪梯城夜襲世培率衆擊退積功保把總後屢敗賊於東南鄉保監翎都司銜署存城千總補舊縣汛把總卒於官陳安邦貴定人由行伍隨提督趙德光征勦苗匪屢著戰功先官新添營都司後赴雲南軍營效力授鎮邊營參將卒於官附片

安順府

卜萬年普定人台拱總兵累著軍功康熙時御書福字賜之
李春勝普定人乾隆六年以馬兵防堵古州又從征緬甸疊來攻柵春勝手殺賊二

人獲緬槍一桿刀二從入潯年佈濟珠河猛弄拜大田壩戶庫變齊谷地蠻化村諸處連戰有功傷左膝進至天生橋皆有功三十四年復從征緬撲柵有功又征金川取班爛山克斯當安攻寶里大石卡礮傷左脅任神池營都司卒

周廷亮普定人字遠明性爽直有膽力年十八從征金川被圍糧運不至食官馬盡繼食麵皮又盡食冰時遊擊岳湘謂其壯勇取已頂戴冠之乃奮先衝出重圍以求援帶重傷繼出師閩省擒獲賊首莊大田莊大田者叛賊林爽文之帥也廷亮編甚瓌偉頭如斗戰時以青緞丈餘裹之中堂福甚喜保藍翎乾隆時軍功多以銀帛爲賞雖擢陞數級而不肯輕予翎當時榮之歷任廣西麥嶺營都司以傷疾告歸卒

劉占貴普定人乾隆戊申武舉入營勇力過人嘉慶二年出師與義擒賊首黃阿成楊阿二五年出師四川於龍安府水口寺作戰帶傷任山西懷仁城都司年七十卒岳鍾秀普定人由行伍從征湖南台灣銅仁興義等處長才爲一省冠善馬步射每射皆中勇敢當先帶傷數十故得賞戴花翎善撫士卒愛如赤子士卒樂之致仕歸於西門外九龍潭擊通水道入城費千金焉

王嘉齡普定武舉任長寨千總撫恤兵丁不扣兵餉累拂上司意告歸卒兵士盛稱

貴州通志

人物志五

七

念之

洪昌運官黃崖鎮烟船畧勤學工書得者咸寶重焉又喜畫墨蘭所作詩詞頗精妙張經由難磨七品監生補丹江營把總嘉慶二年出師興義征勦苗事較績調川省征剿教匪在陝西紫陽縣班鳩關軍中病卒照三等軍功例給其孫張銓八品監生附片

張起賢字茂才普定人咸同間髮賊去後苗匪接踵全區人民八九百戶屯聚蝦蟆壘逆酋穆洪春負固十三旗安順七屬遺其蹂躪者太半六合團謀順賊保家穆會

又遣其苗帥長木梳攻破化處后重距蝦蟆壘僅半里許適六合團報至起賢與同里文生張炳南星五武生王顯讓烈光同聲誓曰吾等願舍死守壘以待官兵奈何順賊有再言順賊者以軍法論乃星夜告急於安順知府畢社堂乞援三人夜則守壘畫則率勇擊賊故賊雖咫尺未得逞起賢頸長目深足高肩背紫呼爲張鷄鵝

一日會戰於獅子山下賊衆蜂擁而至起賢奔至瓦窰包落荒而走伏於坑內及賊追至突揮戈而出傷賊帥左股鄉勇陳老鴉等回身助戰即殲苗帥長木梳於獅子山下張鷄鵝之名於茲益著賊衆潰散穆亦因之氣沮及畢社堂命張玉山率官兵

至而賊勢已蹙矣旌授起賢顯謨以都司炳南以軍功議敘皆辭不就炳南以光緒壬寅歿起賢以甲辰歿炳南子金錫起賢子汝霖均列名庠序

袁德徵字懋昭普定西堡場人父□諸生成豐五年桐梓楊隆喜作亂苗教匪亦乘機竄起邑令馬委德徵辦六區團務欽差田令捐抽釐谷千二百石以充軍餉德徵勸其富者免其貧者數不足則捐已困以助之事咸鄉里無一怨慰者同治二年花苗賊由水城移兔場前鋒紫大漁塘五子山與西堡相逼時總兵林子清統軍千餘人會安平縣知事譚子配帶練七百人渡河紮煤礮坡與賊相持不勝退守馬場徵索供給三年七月飭聯團守河岸自螺獅塘至洛東聯營數十里德徵知官兵不能濟事於是聯合鄉人修理堡營繕糧秣備飲料爲固守計十二月賊由上游悉衆渡河官兵不支退賊悉力圍攻翌三十一日不克乃去同治五年九月德徵歿於波羅望上賊偵知喜曰袁某死吾等之幸也悉輕銳來襲取各堡及波羅望德徵長子廷松殉難次子廷植寓重慶得免

張光燦字卓然普定人父靜亭當咸同之際辦安順團務光燦常贊襄其間安平清鎮克服安順解圍光燦遂銳意讀書年二十一游泮及靜亭歿各鄉紳耆公推光燦

貴州通志

人物志五

八

繼任辦團三十餘年奉公潔己鄉黨交稱庚子歲饑辦理平糶昕夕勤勞惠溥而均事竣上憲旌以匾額年七十而卒長子世澤己酉拔貢朝考以州判分雲南補用賀國泰字履菴普定人少失怙事母孝及長性豪爽重然諾楊龍喜曾三浪之亂辦理定南團務長髮過境率衆城守均有功得保把總同治六年黃匪騷擾狎匪應之勢猖獗六月定南城陷國泰步至安順請援借官兵至九月克復定南城辦理善後招集流亡立書院以課士八年下江嚴匪再破定城國泰又借官軍復之以功保都司光緒十八年以壽終邑人士爲之請旌

楊恆春字榮軒清鎮縣人道光丁酉經魁以大挑知縣任江西弋陽武陵德興等縣初到職時值捻匪踞弋陽恆春領兵克之遂官是邑政聲大著

楊永森字子初清鎮人以同知分發四川未行同治甲子何二強盜盤踞蘆荻哨一帶永森捐資練團督率防勦屢獲奇勝得獎花翎

黃遵亮字季源清鎮人以戰功授威寧中營游擊歷署遵義都勻協副將羅斛丹江營參將畢節赤水黔西營游擊記名總領強勇巴圖魯勇號所至除暴安良神民爲建去思碑

黃遵先字燮堂清鎮人以世職入營効力隨同官軍克復下江水永從各城剿平六洞賊巢巡撫黎培敦奏補右營守備積勞成疾卒

林國鼎字元功安平人順治中以行伍入營從征至賴襄并傷左眉額角流血滿面力戰不退遂平賊授昭勇將軍按察署平賊事無他可考

周培芳字森之安平林雅人咸豐初土匪迭起林雅當其衝乃選鄉壯二千人訓練之作戰守計提督孝順招令會剿威遠仲苗平之廣順雷公屯仲苗抗糧劫掠曠悍善戰官軍憚焉培芳陽許其投誠陰遣壯丁二百人夜襲其巢仲苗就擒大吏錄其功由舉人保知縣咸豐十年太平軍由粵入黔陷廣順培芳率團繞其後克復州城官軍防禦無方敵黨改竄八莊蹂躪各村培芳憤甚復城功又擢於巴提督發狂而卒

袁作霖字蘊山安平人居西堡補正負才畧有機智咸豐五年楊隆喜竄入境作霖率團防禦境賴以安八年髮賊竄入作霖募勇堵禦於偏石板等處賊不能犯九年土匪陳老應勾結外寇肆行搶劫作霖偵獲老應解縣正法同治二年穆洪春之亂賊由西克犯大魚塘負固五子山由安順知府畢社堂督軍剿撫保作霖五品藍翎

貴州通志

人物志五

九

隨營効力十二月賊勢甚熾官團俱潰賊渡河肆行焚掠作霖率內六枝民團分紮十三峒乙丑知縣譚竹樓兵至補正駐回龍寺初八日爲賊所敗官兵幾盡賊遂焚寺民居悉燬於火諸聖俱失作霖保李旗堡未下越日亦陷作霖走免丙寅穆洪春又至定南復遭殘害後賊平作霖召集流亡給以牛種興復農業自是漸成村落又重修回龍寺至今鄉人稱道不衰子三長家修次照南三家勳均列文武庠

陳鏜字寶山安平人寄學安順法元孫咸豐間官畢節教諭太平兵圍畢節運糧餉守城垣積勞病故巡撫張亮基以聞贈國子監學錄銜蔭一子監生并祀忠祠

陳運池號履荷安平人慶升元孫饒機智尤篤於里黨同治苗匪之亂捐金招南鄉團練躬冒矢石率之拒賊一鄉賴之又折所居白雲莊石牆築室於水月寺以守保全人畜穀糧不少以積勞卒年三十八

羅之楷字子模安平人咸豐間倡捐建芳桃館爲合泰子弟讀書之所由此入學補廩者數十人及苗匪入境之楷又倡修龍山聖遠近避難者數百家室內有覬覦樓藏甲樓藏藥室以及礮台水路皆規畫詳備與諸父老講論禦敵方畧由是賊不敢

息密傳號令一鼓齊進玉廣首先陷陣連斬紅巾賊數名諸軍又包抄擊賊無免者偽元帥張福滿投河死餘黨泗水溺盡賊尸蔽流而下生擒逆副李雄安及偽統領梁可材楊占彪等殘賊黨千餘人奪獲騾馬牛羊器械無算捷聞擢副將七年二月克復鄜州以總兵記名四月敗賊於甘泉南泥灣賊竄延安二十里舖玉廣策隊馳往追之馬賊千餘蜂擁迎敵玉廣屹立不動挺鎗回擊自辰抵未力不少懈適援師至內外盪決賊紛紛敗走追殺數里日暮收軍斬賊其衆八月委管帶西林馬隊先是廣施回匪刺案踞樹灣橫肆焚掠劉厚基檄玉廣偕游擊陳國楨候選知縣梁以恭等往擊之相距六七里匪徒列陣以待玉廣督隊迎剿國楨以恭相機策應官軍奮勇而進鎗斃刀矛齊舉斃賊百餘名餘賊敗走追至樹灣立將賊寨攻毀斬匪黨三百餘名其墜斃死者尤衆生擒逆首孔天喜七月清澗圍急知縣趙率灝馳書乞救劉厚基與玉廣劉厚填等來援玉廣行至延川境遇賊千餘敗之比踞清澗十里賊馬步三千來迎我軍轉戰而前斃賊數百逼清澗城而陣修築營壘賊退七里舖城圍立解厚填率師追擊逆匪數千人結陣拒之厚填命玉廣帶隊由左抄擊逆匪向前衝突經我軍連施鎗斃逆賊數十名賊猶死拒玉廣率馬隊

貴州通志

人物志五

一一

橫衝猛進鑿戰十餘合賊大敗官軍斬數百名追殺十餘里沿途砍刃及墜崖死者尸填溝壑以千數百計俘三百六名援難民數百人縱之歸逆首梁紹文奪路逃逸把總言凱率馬隊跡之紹文死門言凱勢將逼玉廣疾以鎗斃紹文梟其首餘匪四散斃功加提督銜十二月波羅匪起劉厚基撥營協防行至古城長灘回匪棄巢西遁玉廣與革副都統常福率馬隊疾馳進剿行三十里突遇大股悍賊三四千人列隊抗拒玉廣等奮力衝擊會官軍步隊至分途夾擊賊聲四起賊大驚潰我軍且追且殺斬賊八九百名賊連夜西竄河堡解嚴八年委管帶撫標衛隊營九年剿清澗縣屬之馮家岔一帶土匪生擒首逆副賊於三道河四道河等處三月又於距榆林百里之白鶴廟探擊回賊賊倉猝拒敵飛彈如雨玉廣身受矛傷八處裏創力戰立斃悍回數十名賊旋遁去四月陝甘總督左宗堂委辦陝西撫鎮營務處十一年因防剿出力保以練兵後以提督用是年署陝西神木營參將光緒元年借補是缺嗣後大計屢列上考十九年三月陝西巡撫鹿傳霖檄調赴省委會辦營務處署撫標中軍參將是月調補撫標中軍參將二十年補陝西西安城守協副將二十四年京畿練兵經前西安將軍大學士榮祿奏保得旨交榮祿差遣委用二十五年

率隊來京榮祿檄分統武衛中軍後路各營四月補甘肅夏鎮總兵二十六年七月隨駕馳赴西安行在二十七年車駕還京飭令隨扈至正定命赴本任二十九年調補陝西延榆綏鎮總兵三十二年卒

本傳

管繼祥永甯人性孝友由行伍隨經畧大臣威勇候領征勦川楚各省教匪有功嘉慶十五年授永甯守備賞花翎洊升直隸務關路參將道光十三年告休居州東門以出師受傷在家准食半俸

本傳

王玉汝字晚成永甯關嶺人庠生居凡花同治間賊頻至玉汝集團激以大義賊攻不能入嚴大五以數千賊偷進卒能巷戰驅出不遺蹂躪由是凡花之名大振徐州牧遷治於茲後復帶鄉勇克復安南

張成貴字耀廷開州人同治間由行伍仕至雲南普洱臨沅鎮總兵每戰身先士卒身受數十傷有數彈丸深入骨中不能出傷愈後強健如恆光緒二十八年致仕歸江達源字匯川原籍安徽名大國者明洪武初奉命南征充普定衛衛官所至有功至永泰乃遷於郎岱屬之阿岔家焉數傳至汝霖入清武生生子五次即達源入武庠以時多故日訓練親族子弟以衛桑梓以故附近百里無匪患安順知府畢社堂

貴州通志

人物志五

一一

郎岱同知左信田剿匪至嚴脚途率鄉兵助之時苗匪竄擾普定安平清鎮水西之間蹂躪幾遍突犯沙家馬場達源擊之皆披靡賊復闖入水定兩屬之交鹽路幾塞達源商鄰境分段保護嚴民之不淡食皆其力也未幾賊竄至五六級跳花坡及鳳場一帶達源奉命追剿賊聞其壘守備弱潛遣比德苗夜襲之家人逃匿屋悉成焦土達源怒遂攻比德巢破之亂平獎五品藍翎晚年以武藝設校於家及門入武庠者甚衆年五十卒子翊清安順文生續辦團頗著聲績

龍廷襄字伯泉郎岱人諸生居嚴脚成同苗變游擊羅孝廉鄂協安順知府畢社堂郎岱應同知陳統書周燮先後駐兵拒剿飭廷襄辦捐輸事濟而民不擾匪時至擄掠民一夕數驚各壘刁斗聲相接廷襄身先士卒每夜半裏糧率遊隊四十名巡查各壘嚴脚分四圍廷襄獨當衝要每官兵有所需輒設法以應無何瘟疫大起匪病死者枕藉然相持如前廷襄防衛不稍疎匪知無所得遂引去後因驚撲中風而卒知與不知聞其死感流涕

劉興國郎岱嚴脚人兵家子年十六入行伍隸永安兵籍奮力絕倫嫻技能道光末金田兵起黔軍奉調出防桂林興國與焉以勇戰著歸充百總值滇黔多故永安地

此為試讀，需要完整PDF請訪問：www.ertongbook.com

東鄉攻克張家觀等處賊寨賞換花翎九月遷雲南撫標右營遊擊時鐵瓦寺賊匪圍官兵於開縣之回龍場遊擊布勒亨都司崔德甯被賊成帶領防守開縣官兵三百援之賊始潰三年五月由萬縣高梁鋪攻剿林亮功股匪追至大了口殲斃七十餘名生擒六名七月剿賊於蘭芽場成倍遊擊薛大烈等分股抄襲在回家坪後葉溝一帶殲賊四百餘九月擢四川會川營參將六年調貴州提標中軍參將八年署平遠協副將因籍隸本省調雲南尋落營參將十年授廣西慶遠協副將十三年遷右江鎮總兵十四年卒本傳成字美長乾隆六十年以右營千總從征銅仁叛苗攻茶山塘豹子巖諸要隘前後凡七十四戰又從解正大營吳福松桃永綏四城圍總督福康安奏請賜藍翎明年攻叛苗於黃瓜寨諸處大小凡九十一戰頂指皆有重傷瀕於死敘功升守備旋又攻叛苗於納貢山諸處凡百七十戰又攻養牛塘諸隘凡十九戰二歲之中都計三百五十餘戰斬石柳鄧擒吳廷義皆賊中巨目敘功升劍州都司俄又調征達州妖賊嘉慶二年從征金峨等諸要隘擒偽軍師王學禮進攻富城寨諸處又二十八戰敘功賜花翎旋奉大帥令率師攻牛皮灘諸隘冒暑銳進凡二十三戰遂至雲陽縣之高陽觀爲賊金鏢傷洞左脅弗死敘功升雲南遊擊

貴州通志

人物志五

一六

旋攻賊於白巖山諸隘又九戰進營於網鹿溪銅鈴壩又六戰復進至開縣擊賊解回龍廠圍追賊王三槐等圍開縣成又率師往來擊之生擒賊首二十一三年賊潰走成追之又二十六戰又追擊於開州坪凡四戰又進至萬縣之高梁鋪擊賊林亮功凡三晝夜與賊五戰賊敗走追至大壩山又與賊生擒賊首六手殺賊七十二旋又奉勒保令率師擊賊於南壩場凡四戰賊退追之又六戰生擒洪道人殲其徒獲大礮五械千復擊王三槐於安樂坪又五戰進攻崖洞門直入賊巢傷左股至骨威勤公勒保以成身經四百餘戰多奇功奏升四川參將後洊升右江總兵卒委哈氏以節旌

李成貴南甯人官威甯守備乾隆六十年從征銅仁苗有功升都司嘉慶元年以傷發卒於軍中陰其子錦七品監生以把總用

李上林南甯人忠子官千總乾隆六十年從征銅仁苗多戰功嘉慶二年又從征興那神苗戰於卡子河奪關先遣苗驚潰立奇功升臨洮都司而身經數十戰被重創傷發不能之任辭歸卒

周廷翰南甯人文秀子襲雲騎尉官守備嘉慶二年征本郡苗擊苗于新城功最

洊升參將五年征達州妖賊手斬賊七升懋功副將卒

張定邦字仁甫興義府人祖世英字鼎臣雍正中官把總從征八達苗有功官至杭州副將卒叔朝龍字慶雲乾隆三十一年武進士選花翎侍衛出爲鎮守遊擊洊升至長沙副將卒乾隆六十年定邦以外委從征銅仁苗由川洞進擊賊解正大營圍克邊牆寨焚賊營叛苗復攻正大營定邦奮勇陷陣手斬賊酋一賊驚潰遂進克天星寨將軍山諸處焚其營旋從提督花連布入鎮守界克狗腦坡諸處進攻阿保寨凡十六戰復攻天星寨克高斗山諸處嘉慶元年又連戰於連雲壁進克稻田山諸處復乾州已而思州小竹山教匪反從花連布往剿自墮河坡進兵沿途晝夜擊賊賊遁又追至大地屯焚其巢教匪平二年南甯苗叛從翼長常明攻叛苗於九頭山至鄭屯夜攻馬別河賊遂至黃草壩解其圍七月又率兵從魯布革進攻解捧鉢圍又攻賊於北哨凡三戰復由些巴攻北哨焚之賊衆殲焉已又剿安有山賊毀其棚八月攻賊於樓下河與馬紹共擒偽西路王楊明又剿賊於洞瀾富大毀其營卡生擒七縉鬚王襄仙總督勒保嘉慶之又從總兵施福解永豐州圍九月剿王抱羊於其巢凡九戰又渡花江通募役開嶺道與賊五戰又戰於補路壩諸處生擒賊目王

貴州通志

人物志五

一七

阿岑已又剿樓下河馬乃營鑼鍋背松林紅崖諸處餘賊賊平敘功升中營把總四年緬甯野夷寇邊從提督烏大經征之擊賊南灑河棚凡十六戰俄又從別將進攻水嶺營克拉克河諸處旋又克蠻冒諸賊巢復殲賊於南邦空諸處由打雀山小道還至南灑會大營兵剿賊五年自南灑營進攻柏札諸賊巢焚之奪其營卡凡八戰又攻黃草嶺諸賊營凡六戰進克黃壩諸賊巢奪木城三卡十餘又焚猛省賊寨棚奪丙別山梁焚其大寨三小寨□又攻青龍山至壩卡殺賊賊降敘功升中營千總後洊升至潮州遊擊道光八年代理黃岡副將傷發辭官歸

張世鳳字朝陽興義府人乾隆六十年以行伍從征銅仁叛苗克廣場川洞進攻臬腦焚其棚貝子福康安厚養之已而運糧松桃從大帥額勒登布行間屢戰抵賊首石柳鄧所居大塘寨遂攻滿木壩入永綏境戰於滾牛坡旋還黔奪賊葫蘆坪山梁屢戰皆有斬獲已又入鳳凰營解鎮守圍擊賊於金嶺衛克復乾州攻石龍寨斬石柳鄧及其子老橋嘉慶二年還興義討叛苗至安姑手殺賊二從大軍進克阿保魯潘卡子河解興義圍又剿洞瀾富文殺賊獲軍仗敘功授古州外委又進剿北鄉馬乃營賊擒首逆王阿岑進攻樓下河手斬賊首一敘功升右營把總旋升白雲屯千

總後官至綏陽遊擊署懋功參將

劉紫玉字殿璽興義府人乾隆六十年以行伍從總兵花連布剿銅仁苗數臨陣有斬獲殺功授外委旋調剿小竹山教匪擒王阿金還剿紅苗克鴉寨手殺賊二十餘身被重傷貝子福康安奏請賜藍翎予六品冠服嘉慶二年從翼長常明解府城圍已而經界威勸侯勒保令攻賊於洞瀾當丈與張定邦等共擒王義仙王阿岑七籍發殺功升左營把總又從常明解永豐圍攻賊於樓下河皆有功殺功升守備後游升寧夏遊擊署潼關副將又率師征新疆有奇功賜花翎官至平羅參將卒弟紫綬字元勳官副將勇而多謀初乾隆六十年紫綬以戰兵從花連布剿銅仁苗戰於吳腦又攻教匪於小竹山皆有功殺功授外委嘉慶二年還興義從翼長常明剿郡苗關嶺之戰殺賊無算身被三傷勒保壯之又擊賊於洞瀾當丈手殺賊四殺功升右營把總俄升龍場千總二十一年天地會匪嚴大五糾黨煽誘郡民將為亂紫綬先事密擒送省誅之總督伯齡嘉其功題升吉州守備後游升易州游擊以經營陵道議敘升務關參將賜花翎擢河間副將未上傷發卒弟紫鳳字九儀亦由行伍起家官至歸化守備紫綬子君成君用君瑞皆武舉君成於郡苗變時守西門隅率義

貴州通志

人物志五

一八

勇攻黃泥寨大坪新莊手殺賊三又燃礮斃賊二又追賊於許公亭手殺賊二十戰於洗馬塘又殺賊十有二救回難婦五生擒七縶鬚之妾章氏等六人又攻黃草壩補路梅子口棒詐諸處克補路焚賊巢擒賊二十三獲大礮三械百鎗傷左眼及左手四指殺功授守備君瑞亦以助剿郡苗有功授守備

保元龍字雲從興義府人乾隆六十年以把總從總兵花連布征銅仁苗解正大營圍克臭腦入永綏攻烏草河進師鎮寧克牛練塘諸處皆奮勇爭先賊鎗傷頂猶力戰嘉慶元年從克納貢山諸處復乾州又克長吉山諸處斬石柳鄧傷額殺功賜藍翎二年從總兵德公征南籠叛苗攻苗於安莊及青山刀傷右額復進至江底與賊力戰於金雞山擒賊目二又攻硝洞傷右股及左手又至羅平界江底河獲賊船一尋克糯米寨傷左股復從解南籠擄匪圍攻賊於挖鼠黑又從剿南鄉洞瀾當丈叛苗傷右肋五年從總兵施籍剿四川教匪追賊高二馬五於橋上里諸處與賊戰牙傷左股又從別將擊賊於平家巖里河諸處又追高二馬五至岷州徽縣又至大山壩佛入嚴擒偽帥會印又從征陝甘擒賊首宋國富斬賊目郭大章又從經畧額勒登布擊賊於班鳩關六年擊伍懷志於四畝地傷左股旋又擒賊首李奉章於甘谷

擒偽帥胡盛偽將李雄於一層巒又追賊至開縣之滿月槽圍其洞以火攻之賊盡殲又追賊於南漢河擒賊首盧世雄又與賊連戰於花石溝諸處擒賊首高見奇偽軍師閻慎度偽帥周萬友傷右股七年又與賊戰於漳河坪擒賊首張二鏢子逼賊首王國寶赴水死殺功升定廣千總八年擊賊於大界嶺諸處又從安義總領劉瑞擒賊首苟文清又擊南山餘賊於長安寨八年殺功升歸化守備九年剿苟朝清於洞瀾追餘賊於古家村諸處又與賊戰於平利之金銀灣殲餘賊賊平殺功升樓營都司後署汾州參將道光二年乞歸卒

楊文海字鴻濤興義府人嘉慶二年官中營把總狎苗之變文海先事謀知告變於知府曹廷奎廷奎不之省迨正月五日狎苗反廷奎觸檄死時城中將卒悉已調征銅仁苗留城兵僅百勢危甚文海乃與金淳定策守城是日難民數萬至城下文海與子國珍縋下城察非奸細悉納之而計周守雉堞須兵千二百有奇兵寡不能備守是夜賊又將薄城乃與淳出奇計焚香散插城堞賊遙望見星火無數疑兵足且疑為燃礮之繩火也乃不敢逼詰明圍城城中已選義勇備守矣時官紳義士分守各門文海守北門夜半賊三攻文海設伏三敗之賊忽飛石中文海頓門仆國珍急

貴州通志

人物志五

一九

以藥敷之稍甦即曰急以水灌城下水門左右問故曰適見水門有戴牛皮賊持火入必計焚城中也急灌之彼計破矣左右灌之遇明啓視果有死賊如其言已滿窺賊少懈選壯士數百四鼓會食五鼓馳出城薄賊壘呼聲震天賊不辨官兵多少自相蹂躪遂斬賊首王仙姑於東門橋賊三百餘級生擒十一人以歸賊銳大挫凡晝夜嚴守六閱月而總督勒保援師始至圍乃解勒保上其功陞守備方文海之議守城也首建議搜城中粟令家留數月糧餘米儲官備兵食得米三千石有奇以是守六閱月而兵無絕糧憂子國珍字聘三生員苗事急文海令國珍建議於北門與武舉劉君用王亨第等守其下召募壯士於是勇夫咸出死力助戰守事平予六品冠服後以貢生官錦屏訓導卒

郭懷仁字念士興義府人少孤事母以孝聞嘉慶二年狎苗反圍府城知府曹廷奎自經署經歷金淳謀守禦計懷仁與武生夏承欽舉人唐士元王秉心拔貢生李瓊英武舉王亨第劉君用把總楊文海諸生周琛譚明禮與金淳共謀勸紳商助銀千兩借庫銀三千兩借廣商銀二千兩備緩急搜城中粟得米三千石有奇淳乃與文海令壯者乘城官紳義勇分守各門令懷仁與承欽主公局支發銀米事士元秉心瓊

英助之亨第君用及文海之子國珍主募勇士部署定城中無業饑民不任乘城者恐爲賊內應設廠施局以聚之守六月雲貴總督勒保始至嘉其功題請賜六品冠服

劉德達字兼善興義府人嘉慶二年以武舉從翼長常明擊狃苗於黃草壩九頭山馬別河皆有功進攻洞瀝擒章博流章抱利手殺賊十有五又由羊場進攻北鄉巴林助擒王抱羊手殺賊二又從解永豐圍復册亨城又剿額老保洞樓下馬乃諸賊擒王阿金等十八人勒保嘉其功奏請免會試即授把總六年授左營把總升右營千總長寨守備十六年從征仁懷賊攻方家溝擒穆繼賢等敘功升張家營都司後以傷發乞歸卒弟德揚德源並有勇力德揚官宜昌守備德源武舉官龍場把總楊國仁字厚堯興義府人乾隆六十年以行伍從征銅仁苗有功授外委嘉慶二年征苗戰於新城手斬苗目七敘功升右營把總後攻洞瀝當文與擒七續續敘功賜藍翎升千總四年從征川陝湖廣教匪復有功升上江都司以傷發乞休卒

梁金玉興義府人官外委從征達州教匪有功予六品冠服嘉慶五年從征雲南邊寇力戰受傷敘功升普安把總旋以傷發乞歸年九十九卒

貴州通志

人物志五

二〇

李倫興義縣人永甯州汛千總守孤城有功題陞永甯汛苗疆守備嘉慶三年任

保芝琳興義府人嘉慶十五年由世襲雲騎尉授丹江左營守備二十二年升山西太原鎮標右營都司道光二年調運城營都司四年調吉州營都司八年升福建桐山營遊擊時喀什噶爾軍興芝琳以山西巡撫盧坤檄解運駝隻赴肅州交納續又接解軍餉留營差遣事平經盧坤奏請鼓勵得旨遇有福建省應題缺出酌量升用

十二年調臺灣北路協右營遊擊時嘉義縣匪徒陳辦等滋事福建巡撫魏元烺令提督馬濟勝督兵赴勦並檄芝琳率連江羅源二營兵四百名由五虎門渡截賊北竄之路又彰化縣粵民因亂與閩人互鬪粵匪蕭水生等乘機糾衆肆擾芝琳以閩浙總督程祖洛檄督兵往捕冒險深入俘蕭水生及其黨十六人訊明伏法又以勦辦臺匪張丙等渡臺遭風由八里岔登岸猝遇粵匪圍攻淡水芝琳親冒矢石多所俘獲尋陳辦張丙等均就擒捷聞上嘉其奮勇賞戴花翎十六年嘉義匪徒沈和等復聚衆焚掠戕傷弁兵南路匪徒多響應芝琳以臺灣鎮總兵達洪阿檄率兵隨往勦辦事平敘功得旨遇有參將缺出儘先升用十九年九月補撫標中軍參將旋以

臺灣中路匪徒胡希等滋事復隨總兵達洪阿帶兵剿捕俘獲首從逆犯復入內山按剿事竣閩浙總督顏伯燾以尤爲出力保奏得旨以副將升用先換頂帶十月授延平協副將十二月署浙江台州協副將二十二年七月閩浙總督怡良以芝琳臨敵奮勇營務諸練遵旨保奏堪勝陸路總兵之任八月擢廣東潮州鎮總兵怡良復以芝琳出洋捕盜得力奏請暫留閩省尤之先是英吉利夷船疊次在臺灣游駛達洪阿等以計誘戰勝俘戮多人入奏嗣英夷就撫訴稱達洪阿等妄戮遺風難夷騰混奏報上命怡良渡臺查辦至是二十三年三月查實覆奏詔檄達洪阿職調芝琳

臺灣鎮總兵並諭怡良曰臺灣民情浮動恐乘機肇畔仍著飭令保芝琳加意巡防毋稍疏懈五月調漳州鎮總兵二十四年六月以所轄各營存儲穀價銀八千餘兩奏請於四月借給兵丁以資接濟報聞九月調福甯鎮總兵二十六年卒

芝琳于嘉慶二年苗變攻城時自以將門子詣翼長常明軍前願効力常明令督鄉勇攻洞瀝之琳從擒七續續左額右手皆重傷攻巴林馬乃册亨黃草壩樓下河皆有功苗平以功錫六品冠服襲世職游升太原都司時吉州有巨盜大吏遂將往擒檄芝琳爲吉州都司芝琳至巨盜段孩等皆就擒道光六年張格爾反芝琳受檄肅州請

貴州通志

人物志五

二一

効力軍前大帥令解餉銀二十萬赴阿克蘇阿克蘇大臣令總理軍餉事竣以功升桐山遊擊又從翼長胡超攻拔達克山什箇獲擒張格爾之僞軍師朱爾毛賓十二年台灣張丙反率兵從大帥渡海往剿擒其黨劉聰明等百餘人獲千斤巨礮二賜花翎升台灣參將俄而嘉應沈某作亂率兵往擒獲其黨十九年事平還郡詔授延平副將英吉利擾海濱州縣芝琳統兵入海與賊獲夷船七擒蘇二丙等三十三人詔授潮州總兵旋調鎮漳州卒於鎮

保之歡興義府人洪玉長子洪玉從征之歡方爲營卒請從父擊賊屢獲父立戰功追洪玉歿於陣之歡馳入賊營負其尸而出賊不敢犯事平洪玉極殞於川之歡廬其側悲慟數年大吏哀之爲奏請詔許歸送回籍及得世職之歡應襲爵與弟之琳人皆賢之之歡後以功官至柳州遊擊賞藍翎知府谷善禾表其門

陳天錫興義府人以千總征銅仁苗有功游陞都司卒又劉紹堯以把總征銅仁苗有功陞千總旋征郡苗復有功陞荔波守備卒

孫敘字詠功興義府人以武生從征達州教匪生擒賊首王三槐又從征郡苗生擒七續續敘功賜藍翎授下江千總旋調馬標田千總游升凱里都司道光二十一年

從剿江華流匪督兵焚趙金龍帶傷著績敘功賜花翎升盤石游擊其署黎平遊擊也兵房焚敏捐俸重建兵房二百間黎平將卒為建生祠子德元倫元並有父風德元道光丙午武舉拾元二十一年從軍粵東剿匪有功賜藍翎官贛州千總夏承欽字金堡興義府人父晏孝子晏卒承欽事母復以孝聞初學制舉業已而棄之以善射為府學武生為其母請於有司得旌表嘉慶元年知府以其名應孝廉方正已達於司道承欽以母老辭及狎苗變承欽佐郭懷仁倡義身任勞怨於守城事多所籌畫圍解勒保奏請賜六品冠服又桑揆字一齋興義武生嘉慶二年苗變捐金招募義勇與司公局度支以勤慎稱又與桑鴻照周雲漢傅成章黃琬圖畫各屬險要道里進之總督勒保奇之予六品冠服使率兵為導事未平以勞卒於軍中賀占鼉南龍北鄉土目也嘉慶元年知狎苗有逆謀與毛天佑詣府告變知府曹廷奎不之信占鼉爭之力廷奎怒杖三十而羈之明年狎苗果反六月總督勒保至釋之使督西鄉土目王文亮南鄉土目楊鴻洪東鄉土目王英率義勇從剿所至有功奏錫四品冠服及花翎事平諸苗變伏三年知府陳熙藩履任惡其勢甚詳觀其職旋卒人頗惜之

貴州通志

人物志五

一一一

陳啓麟字玉書興義府之下札寨人武生苗變其父母親族四十四人皆遇害免者七人啓麟痛憤與子坤山募義勇得千人營於硬溪孔以擊賊已而從者多至三千餘人乃分為兩營一營硬溪孔一營尖麓之即打寨自備精銳扼與隆山為犄角勢自正月至六月與賊五十五戰時府城被圍久啓麟率兵轉戰至城下者三生擒賊目二十五賊黨一百八十七陣斬賊目十有五賊黨四十有九獲鳥機礮三械千得殺父母賊手刃祭墓旋大兵至圍四鄉險隘進之大帥大帥令從翼長常明軍啓麟招降東北二鄉一百四十餘寨督造馬別河橋濟師又焚洞灑當文擒七緒鬚之妻賀氏及姪章成明又擒偽軍師桑洪昇及段士明之家屬二十二人又招降狎苗一千二百餘又進攻北鄉洪巖寨擒逆首大王公之子王豹王阿二偽騎馬章正榮偽欽差章六保章光仙章阿二等殺賊千餘人又自新城馬乃進攻賊於花江造舟以濟師敘功錫五品冠服及花翎子坤山錫六品冠服事平啓麟授上江外委尋又從征四川梁山賊敘功升貴陽把總旋調永安傷發乞休歸辭半俸年八十餘卒張維弼貞豐州人官把總征達州教匪有功濟陸黎平守備乞終養歸林明貞豐州之把蘭村人苗變馳詣城中請自効殺賊明與州人薛應元樂美成皆

善為鎗發無不中明借之守城賊攻城三人施鎗必中其渠魁官紳神其技號為神鎗手城被圍久明請建城突圍出告急於大帥途遇賊伏水中免馳一晝夜而與長常明軍遇常明嘉之欲奏請官之固辭使守糧臺賊來攻又施鎗盡斃之予之金以獎其功亦辭不受事平援例為國子生晚年以蒔花釣魚自娛足跡不入城市以壽終時册亭抄圍有監生劉裕元耆民楊定邦與王佑庶英楊貴亦皆緝城突圍出為州同曾艾告急於大帥

王居仁貞豐州人其先世王母六亭總土目也世有其土嘉慶初苗變與從弟崇仁捐白金三千兩有奇米三千石有奇糾集族人難民起義拒賊築土城以資捍衛崇仁及族人好仁文彬率眾防禦雙江口懷仁與仁率遊兵隨處應援時又有王際盛者亦貞豐州人長壩六亭總土目也亦與其弟際昌際和際成起義拒賊居仁崇仁與之合兵堵禦賊不敢侵其境已而大兵至又協力為籌軍糧導解州城圍事平敘功居仁錫五品冠服崇仁錫六品冠服懷仁際盛錫八品冠服二王氏之戰沒者曰居甫純仁應安洪憲嘉謨凡五人皆予獎卹總督勒保表居仁之門曰義勇將軍及知府知州皆有額獎之其獎長壩王氏亦如之

貴州通志

人物志五

一一一

董奇蓉字太和普安縣武生嘉慶丁巳郡苗變借兄交庠奇華招募團勇千餘人助官軍剿賊由貴草場馬別橋進師屢挫賊鋒保五品職銜貴州通志隨鴻儀普安廳學附生廳屬北里孫官屯人咸豐八年回逆蠢動奉札督團防禦所向有功同治元年廳城陷邸寨多被脅鴻儀獨與抗次年二月濟約陳昆山等糾團復城進至乾水井別營糧盡失利衆遂潰六月復與任士雄等議遣子文伯密結城中內應選團丁百名於十六夜踰西門城進據礮台血戰三晝夜遂復城嘗隨傳游擊至樓下河招降賊首張定中救出難民千餘戶又帶團擊散鷄場平等處土匪及泥阿都賊首張小長等同治十年廳境肅清保教諭加光祿寺署正銜子文伯官把總贈武德騎尉壽八十四終冊助大定府張璣字荆山大定人瓊弟以行伍拔補把總有至性事繼母孝繼母老璣為滌溺器供鹽饋母卒不飲酒肉者三年後以子貴封武功將軍年八十一卒子良材良梅良松皆行伍死事祀昭忠祠良桂乾隆四十八年武舉第一良棟璣子以卒伍從征金川屢立戰功授把總洊升至古州守備年五十卒於官子渙府學武生從征四川教

匪有功拔興義把總洛道光元年武舉拔册亨把總良槐字樹三瑛子乾隆四十四年與弟良吉同舉武科選古州千總六十年從征銅仁叛苗親擒賊首吳半生從解永綏圍攻大排小排皆有功賞戴藍翎清升都司嘉慶元年調征興義叛苗從克新城擒賊首王抱羊解洞澗圍擒賊首王郎仙矛傷頂幾死經畧以聞賞勇巴圖魯戴花翎清升大定副將又調征四川教匪追賊於巴州之關陣山攻祖師觀追賊於通江之竹耳關生獲賊五十六人從勒保追賊於高苑場殺獲過當又調至陝西敗賊於平利之龍洞溝獲賊首卜天保尸生擒五十人調延平年五十餘卒於官子準府學生道光八年從參贊楊芳征新疆逆回有功予六品頂戴

王詔其先世居金陵有曰德功者以遊擊將軍從經畧洪承疇平貴州補黔西營遊擊久之罷官遂家於大定德功生之臣生詔詔以行伍官大定鎮把總律身嚴而待物以恕深為總兵所器重雍正三年升千總出師入達有功升長寨守備新開苗疆神苗狡詐懷之以恩束之以法苗神帖服常以苗酒蒸粟來餽呼之為父十二年以年至乞休久之卒於家年六十八

附志 大定

劉朝貴其先福建人朝貴自行伍建功清升至大定副將時大定改鎮為協朝貴為

貴州通志

人物志五

二四

其首任屢著勞勛母卒於官因葬焉後升安龍鎮總兵乾隆初奏請年力衰邁難勝封疆重寄懇斥罷以安愚分上弗許繼又以年至上陳並言於大定任內葬母其地懇入籍大定永守墳墓以遂私情上諭劉朝貴老成謹飭屢次出師著有勞績今年過七旬奏請解退情詞懇切準以原官致仕並依所請改籍大定守母墳墓朝貴遂自安龍移大定家焉

附志 大定府

楊秀大定人乾隆三十三年由行伍拔補外委三十四年升把總三十六年隨攻金川三十七年收復革布什咱功邊水城營千總三十八年攻克翁古爾等處賊巢擄黔西協右營守備三十九年進克達爾圖山擊奪獲備卡殺功以都司升用四十四年金川平後陝西神木協都司四十四年遷江南壽春鎮中軍遊擊五十一年升直隸保定營參將五十二年擢湖南衡州協副將五十六年遷陝西延綏鎮總兵嘉慶元年湖北教匪滋事四月陝甘總督宜輝以商州接壤鄂陽檄秀駐商州堵旋令赴襄陽為巴東聲援五月首逆林之華覃家耀等屯聚長陽縣之榔平賊氛甚熾上以巴東兵力已厚命秀赴榔坪會剿未至會鍾祥縣賊首姚之富糾眾滋擾湖廣總督畢沅飭秀率兵往援之秀入陝回延綏官兵本令前赴榔坪搜捕林之華等今

據稱鍾祥地方緊要調令該鎮順道前往堵截亦祇可如此辦理俟該處賊匪勦盡仍令速赴榔坪六月率副將白守忠等分道進剿賊竄鍾祥之香花園秀自樂豐驛追剿設伏於東山口又敗之七月偵知姚之富欲由臥牛山南竄請濟師畢沅派總兵觀祥往助八月署廣州將軍明亮督師至鍾祥飭秀偕觀祥扼土門衝要路賊率三千人來撲秀等併力抵禦槍斃數十人賊少卻明亮督兵前據其險隘賊潰首犯秀營於西南秀率兵出擊觀祥等復邀之於東北大敗之賞戴花翎別隊圍西北山岡欲劫糧臺用礮轟擊傷斃甚多賊移寨匡家衝明亮督兵臨其後豫令秀營於宋家衝賊至秀勝之賞加提督銜九月總統永保亦以師至秀隨同進剿連戰皆捷賞玉環大小荷囊十月賊逸至河南濉河鎮欲渡唐河窺南陽永保令秀防唐河西岸賊眾數千亂流進秀擊退之十一月上簡京營兵會勦連破賊姚之富收合餘匪潛匿黃龍橋永保派秀防濉河各渡口官兵分三路蹙之賊捏稱難民於老回灘偷渡諭曰楊秀係派在濉河專司防之員乃漫無查察致賊渡河竄逸著革職留軍前效力贖罪二年六月姚之富逸入川與達州賊首徐添德東鄉賊首王三槐等合湖北巡撫汪新派秀赴川會勦時各路賊匪分青黃藍白各號羅其清稱巴州白號冉

貴州通志

人物志五

二五

文騰稱東江藍號屯踞方山坪九月秀隨署四川總督宜輝往攻鹿帽山賊守甚嚴秀密令知縣呂朝恩等繞擊山後自攻其前克之餘匪奔方山坪捷聞賞加參將銜三年二月白號王三槐青號徐添德黃號樊人傑等欲由太平通江入陝總統勒保令秀守太平六月王三槐偕太平秀截退之七月總兵富森布追剿月藍號林亮功及太平界秀迎擊殺賊三百餘五年三月太平黃號龍紹周等偷渡嘉陵江擾四川總督魁倫調秀赴巴州南江一帶會勦七月補雲南提標中軍參將十一月以病休致二十五九年卒子朝樑直隸保定營守備天榮二品廕生

附志 本傳

李天貴大定人嘉慶戊午武舉收撫標以協勦下游苗匪有功保陞至銅仁協副將調補雲南維西協旋陞鶴麗鎮總兵又調署四川提督未到任卒

何湛源大定大吉廠人咸豐四年十一月興義涂令恆田老大王作亂盤踞安南營安巴林貞豐等處湛源由行伍奉平遠左營榮都司札募練勇六百餘隨同進剿與賊戰二十一次復奉委偵探賊營殺斃田老大王身受三傷五年正月奉興義府張札調協勦册亨土匪是年三月改投雲貴總督恆軍中隨同督標中協翼長陳統領管帶練勇勦册亨羊場扁擔山鎮甯州等處賊獲首級十二又奉調之貴定勦東山

平壤羅斛屏紋都勻等處賊與苗匪戰七十餘次共獲首級七十九以功保儘先額
外繼赴麻哈州勦鳳凰山嘯天龍巖下高坪下司等處前後共獲首級三十三又至
平越勦鷄場馬場坪羊老清平等處賊生擒一百一十七人解赴平越正法復督勇
進勦蘆坪被圍七日湛源率衆奮力殺出共獲首級二百零記功保儘先外委又隨
營進勦普定縣河頭寨苗逆武貴元盧天元等連戰二十次賊平退伍歸九年雲南
李藍二逆擾四川十年三月率勇入川投南道楊應下奉委帶鋒勇一千人勦宜賓
一帶賊遇賊於白馬場被圍五日身受八傷是年十一月賊首邱連山擾屏山縣盤
踞平安營奉敘州守周委進勦四十八日解圍拔儘先千總賞戴藍翎十一年高縣
逆首何金龍叛進勦七月有餘事平川督駱奏保儘先守備同治元年三月李逆竄
敘州復進勦宜賓雙石碑與賊連戰生擒李藍二逆並參謀溫如玉解赴敘州正法
以功保都司是年五月石達開擾敘州長寧等處與東川總兵唐克復已失各城追
賊出川界保遊擊同治八年正月同彭軍門收復緬縣存古縣鳳縣並長安臨潼咸
陽興平武功扶風岐山等縣及苗壩廳西安將軍德奏加參將銜是年陝甘總督調
勦研伯縣西馬營回逆馬超馬忠佑治元元涂憂憂等八月有餘馬超投誠餘賊潰

貴州通志

人物志五

二六

敵保儘先參將久之卒

宋璠字采田號魯才大定人幼失怙事母以孝聞年十八補弟子員旋食廩餼咸豐
甲寅冬緣匪滋事璠奉札帶團練協官兵進剿辛酉石達開竄大定分股過鳳山璠
率團練要擊之別股抵六歸河璠又協陳世昌等禦之時大雨如注河水驟漲匪紮
筏爭渡璠燃燄擊之筏盡覆浮屍相繼下賊乃舍去及圍畢節猶暗窺大定郡守令
移防前所會賊至璠揮團練於大霧中擊之賊衆遂退事平保訓導土目安中和之
亂郡守陳濟令率團練協剿由白布河直逼考集會西道鄧爾巽兵至前後夾攻安
逆遂平同治甲子下游苗匪嚴大五竄擾大定境璠令東鄉人民均移上壘至冬月
十六日大定城陷而六龍以一彈丸之地當賊衝竟獲保全明年六月提督繆德昌
師至六龍與計事時趙軍進營懶板堯遇賊擄掠回要擊之璠率團練以助大敗賊
乘勝克復郡城以功保知縣加同知銜丙寅正月苗匪復陷郡城璠與鄉紳陳世昌
周宗濂王治昌等各率團勇合攻賊潰走城再復保加運同銜亂平署清平縣教諭
旋充南書院監院著有醉楓吟稿一卷未付梓年七十五卒長子集成次子蛟已酉
拔貢湖南直隸州州判

陳爲杰字子俊大定人監生成豐十一年石達開率大股賊竄黔進圍畢節援師駐
定爲杰繕備糧秣畢節圍亦解敘勞保同知職銜辭不受及郡境饑爲杰傾囊賑濟
設局本城萬壽宮施粥五十餘日全活無算同治元年石部再至籌城防爲杰率衆
防守小北門三年十月苗匪陷黔西郡守劉正朝札委督辦軍糧未匝月定城繼陷
弟爲政殉難聞變馳騎遂集鄉人營大坡上遇賊劫糧路賊忌之屢率隊圍攻爲杰
悉力抵禦常出奇兵要擊賊不得逞戊寅郡守樊寶壽善辦善後事宜札任局事清
安地尾逆產編捕苗民三百餘戶年七十餘卒子五明選拔貢明遠郡庠生
羅詠春號蘭森大定舉人兄華森庠生白布安中和之變華森領鄉兵保衛府城同
治癸亥苗逆倡亂都勻奉巡撫張亮其調赴下游協剿詠春在兄軍中與苗逆大小
數十戰身先士卒親族陣亡者以數十計甲子黔西大定相繼陷詠春聞變遂偕兄
率衆旋里與郡紳杜湘晉省乞師前西道鄧爾巽率師來援華森善辦糧台焦勞成
疾卒詠春毀家募難招募鄉兵得同里陳中書陳盛書爲先鋒姪羅晉武爲後隊爾
巽又以虎翼一軍轉餉饋糧往來接濟故所向克捷乙丑正月先後掃平黔屬狗場
雙雁等處賊又解尖山孤埫背佐等處之圍境內悉平歷保花翎同知銜以知縣分

貴州通志

人物志五

二七

發四川未補缺而卒姪營武保藍翎千總

王治昌字階平號銘九大定人優廩生以軍功保同知銜儘先選用知縣咸豐四年
緣匪鄭長生糾衆圍城治昌率團勇擊退之招撫脅從全活甚衆八年逆目安中和
餘黨盤踞白布河左家洞西道鄧爾巽委辦糧台兼帶團勇協剿安逆遂平十一年
石達開率衆十餘萬圍畢節援師軍實均由大定供給郡守魯經芳札委總辦糧台
轉餉饋糧軍無乏缺同治三年十月苗匪陷黔西隨郡守劉正朝率師赴援駐狗場
繼聞大定陷倉猝馳歸與賊大小數十戰未嘗創挫定城兩次之復與有力焉七年
雲貴總督劉岳昭率兵肅清滇黔奉委襄辦營務處事光緒三年提督陶軍門欲變
竄逆絕兩產治昌偕郡紳陳時夏親往省垣稟請留作地方公欵巡撫黎培敬批准
立案始得存留年七十七卒子三其沅增生雲南巡檢餘業儒
杜湘字合三大定人道光壬辰以第一名入郡庠旋食廩餼甲寅秋遵義楊漢沈倡
亂竄擾黔西蔓延大定東南郡城戒嚴署府曹興仁召入幕籌辦防務十一月除日
匪乘勢圍城湘爲創忠義團出擊連敗賊正月四日賊解去辛酉仲春洪軍竄黔
獨取道六歸河紮筏以渡湘奉署府魯經芳令集團丁詣河干堵截與宋璠陳世昌

諸人晝夜督防凡四日乃宵通秋八月土日安中和叛授及附郭郡守陳濤飭湘督練隨西道鄧爾巽領將李有恆軍討平之前後以戰功保知縣加運同銜甲子十月號匪陷黔西西道沈西序命湘隨署府劉正朝率師往援冬月十六夜賊由間道襲陷郡城湘借羅詠春詹懷清等往省垣乞師鄧爾巽以西道兼攝府事率師來援提督趙德昌亦統大軍至乙丑六月城復丙寅正月十六夜城復陷郡守跟隨走湘督各鄉團練進攻賊棄城遁城再復是年冬雲貴總督劉嶽昭辦上游各匪駐軍黔西札湘辦糧八百石湘以地方瘠苦請減始令運糧百石濟平遠軍以積勞致疾卒子策勳孫成鈞

陳世彬字藻州大定人增生博學能文工漢隸咸豐辛酉石達開圍畢節世彬襄辦糧台有功保訓導不就後為四川總兵李有恆營務處率兵平小竹子山平陽關等處回匪歷保至知州以知府陞用賞花翎需次四川時下文誠督川奇其才將用之遽卒於廣安差次年五十一著有一葉山房集

王授矩字子芳大定人廩生成豐四年以辦團功給六品頂翎同治中以帶團防禦六歸河洪軍保國子監學正旋又以協平免場苗逆功保直隸州判又詹懷清字

貴州通志

人物志五

二八

曉蘭大定庠生成豐辛酉洪軍入境借杜湘等往禦於六歸河事平保府經縣丞同治三年冬號匪陷城復同杜湘往省請兵巡撫張亮基特委西道鄧爾巽來援鄧慮糗糧無出懷清與湘力任之鄧軍營於城南玉文閣數月之久軍食無匱次年五月提督趙德昌德光援兵至六月初克復郡城懷清以功保知縣加運同銜

又兼營務處文案兩次復城與有力焉獎藍翎五品銜後選府經歷城復後監修府署清安逆絕兩產光緒庚辰巡撫岑毓英巡閱至定議遷文廟於東門委紹文董其事凡地方大工役築城修路諸舉所經倚者為最多甌離之際匪勢蔓延愚民多所牽染紹文輒為申辯全活甚眾子國光國芳皆舉人國驥國祥皆廩生孫三人入郡庠卒年八十二國光字松圃由舉人大挑二等選安南教諭在任十餘年卒年七十

五國芳字蘭村工書法歷署開州清平教官以會試卒於京周宗濂字筱溪大定人庠生成豐庚申蜀賊藍大順圍綿州城幾陷宗濂率兵赴援與賊大小數十戰卒解綿州圍辛酉八月逆目安中和叛宗濂在蜀聞耗率所部兼程旋里壬戌三月杜化龍率圍衆與中和戰於凹戈落大敗死傷積野爾河者以數

百計宗濂借弟希濂師濂往援三路夾擊賊潰走左家嗣未幾中和死逆黨黃老外高富貴等各擁大股四路騷擾宗濂屢敗之於高家莊馬場等處洎西道鄧爾巽總兵李有恆率兵會剿宗濂亦帶勇協擊擒獲逆酋黃老外正法餘黨潰散事遂平同治癸亥比底花苗叛聚眾數千盤踞大兔場郡守沈西序調宗濂暨各團進剿賊未交綏而二十餘營望風瓦解惟宗濂兵不動賊亦不敢薄其營既而招募精銳併力合攻賊不能支遂潰甲子十一月十六日苗匪陷城時宗濂已先期奉調堵禦落脚河至是復奉調回援追爾巽兵至宗濂往謁其營名曰處字營蓋取周孝侯名之義宗濂部伍整齊號令嚴肅與賊戰輒身先士卒時賊踞城中久糧漸空乏往往數百成羣擄掠大小屯等處宗濂挑選精銳潛伏道旁待其歸突出轟擊殺賊甚眾奪獲財物即以犒賞士卒人人思奮既而趙軍攻其東鍾軍攻其北鄧軍攻其南宗濂與胡光奎等專攻西路賊勢不支城遂復丙寅正月十六日城復陷宗濂率兵收復事平保知縣賞戴藍翎西革木空二河向來行人非取資不得渡宗濂請於郡守樊寶書撥定船租五十餘石改二河為渡行人至今稱便宣統壬寅卒年八十一歲子七天需恩貢天霖拔貢天壽武舉

貴州通志

人物志五

二九

周希濂字景亭大定人武生成豐辛酉八月逆目安中和叛希濂募壯勇日加訓練會賊至出奇破之殲賊二十餘賊遂遁冬十月賊踞德克希濂出戰復克之郡守曹興仁嘉其功委充本營管帶隨營進剿十一月兄宗濂由川旋里希濂以管帶讓於兄而已副之十二月十一日希濂攻中和逆黨高富貴於高家莊斬首十餘級賊奔潰壬戌三月中和統桿賊數十駐凹戈落希濂與兄宗濂弟師濂各率團勇百五十人三路夾擊賊敗走落氣塘斬首二十級賊退入左家嗣堅守不出夏五月進剿逆酋高富貴於西革河擊安忠於白楊林敗黃老外於馬場前後殲賊數十斬首二十餘級癸亥八月西道鄧爾巽統兵剿左家嗣希濂率眾助剿大破之舉平保千總是年比底苗祝老冒叛又率團勇五百為先鋒與賊戰於核桃關錫場拉河貓場多青井等處互有死傷甲子十月號匪陷黔西城希濂奉調往援與賊戰於以那壩斬首八級死傷者二十餘人厥後賊分股竄擾大定東北兩路郡守沈西序飛檄調回與賊戰於馬野溝大敗之斬首二十級冬月十六夜賊由東路入襲陷定城希濂率團兵營城外石關口偕官軍四面環攻乙丑六月城遂復丙寅正月城復陷克復亦如之事平保守備後卒於家年六十七子七天壽武舉天偉優廩出天傑廩生天俊

監生保歷歷

周師濂字仰山大定人武生同治二年下游遊苗倡亂竄擾麻哈師濂奉巡撫張亮基調赴協剿與賊戰於鳳凰山賊嚴下高坪等處所向有功保把總同治三年十月苗匪陷黔西師濂與兄希濂率兵會剿與賊戰於州城西以那壩斬首八級傷賊二十餘人次日賊以大隊來攻又殲賊十餘始敗去賊遂分股竄擾大定東北兩路甲子十一月初六日師濂奉調回與賊戰馬野溝斬賊首二十級賊敗走遂解賊兒井之圍至十六夜苗匪由東路襲陷郡城師濂駐兵城西石關口四年六月師濂協官兵四面合擊城遂復五年正月郡城又陷克復亦如初事平保都司賞戴花翎八年總機河土豪余銀發作亂地兄希濂進剿平之光緒元年逆目以支叛率兵堵禦賊卒以平年八十卒子天秩天珍

陳世昌字鳳占大定人附貢生成豐甲寅冬楊隆喜餘黨有彭七將軍者以五公經煽誘愚民揭竿舉事號綠人蔓延至大定閭閻騷然世昌取其書焚之匪黨恃衆尋仇遂避難永甯蓬萊橋明年歸奉札襄贊洪樹容樹棠兄弟分軍率團驅賊出境辛酉石達開竄貴州分股由六歸河以窺大定世昌帶團防禦未幾苗匪入定境西道

貴州通志

人物志五

三〇

沈西序飭修營文峯塔下世昌鳩工鑿石閱五月歲事及匪將抵六龍世昌先糾本團人民歸軍壘外築壘滿插梅花鹿角椿以拒賊晝夜巡邏賊來攻世昌悉力抵禦卒不得退乙丑提督精德昌授定駐軍六龍六月克復郡城世昌與有力焉明年春正月城又陷郡守棄城走世昌率團協西路各圖再復郡城以功保同知加運同銜年六十八卒子二兆彪優廩生兆龍庠生

譚鴻模號漸遠大定人以軍功隨營効力同治四年苗匪陷城隨提督趙德光克復有功獎給六品頂戴五年號匪竄擾各鄉隨副將舒良貴跟踪追剿六年九月又隨副將蘇魁則白泥壩苗逆及西鄉橫匪疊著勞績保把總十一年三月提督周達武以鴻模臨陣勇往拔補把總缺嗣因攻拔與義府新城肅清上游鴻模皆有力賞藍翎光緒中署巡城千總庚子歲荒樂輸百金助賑郡守錫以急公好義匾額年七十餘卒

王永貴字和廷號子美一號斌臣大定人祖正興父玉恩皆官大定協標把總永貴充協標馬兵洪楊亂起從征湖南暨本省遵義都勻貴定等處屢立戰功敘補大定協標外委分防小北路汛教匪橫匪苗匪先後討平皆在事出力同治九年累功賞

藍翎以守備用是年借補本標右營把總旋補千總歷署威甯鎮標及本標右營守備歷官三十年無私怨去益見思年六十六歿於家子三寶珩光緒己酉拔貢實業寶瑣均業備

王杰昌字理廷大定人武生成豐初奉大定協派委隨援廣西三年回里值緣匪及楊隆喜倡亂土匪鄭長生等應之糾衆圍城副將佟榮梅委杰昌帶先鋒隊開南門出擊賊大獲勝城以全六年下游苗匪亂都勻攀梅奉調征剿杰昌同叔珍用恩用率百人投効屢戰克捷八年匪勢猖獗攀梅以孤軍深入內無糧餉外無應援軍士困餓殺驟馬以食攀梅憤急自盡杰昌竊護其屍至貴陽交佟家屬安葬同治甲子那城陷杰昌父賓用殉難杰昌竊入城中掩埋其父屍并竊負繼祖母張氏出城送至對江空營內次年城復以在事出力功保藍翎千總丙寅城再陷杰昌率團隨兄治昌首先登城匪退城再復丁卯戊辰雲貴總督劉嶽昭肅清滇黔率大軍駐黔西委治昌探買大定軍糧委杰昌率團在途護運事平保以守備儘先補用不樂仕進鄉居三十餘年卒年六十三

貴州通志

人物志五

三一

黨惡爲恥開平西王吳三桂兵至乃自拔而歸並陳山川險要衷中虛實及所以攻取之方畧三桂大喜遂用爲嚮導三桂之困於果勇底城也應祥招誘賊左右人憂那爲之緩師又探李本深軍於阿山水皆以冒險立功水西既平平遠設府知府招無勇漢復業編立里甲丈量田土平均租課應祥之贊畫特多當事以應祥有軍功且招徠多著勞績屢欲薦於朝而官之應祥輒辭不就而退居於野事親以孝聞卒年七十子瑄以州學文生中康熙二十六年武科鄉試有文武才名與應祥同時以幹畧著名者復有李魁魁字碩士平越初建府百爲未就知府所倚者惟謝應祥應祥薦魁同事知府遂召魁委之以安輯夷漢分立課程歲其舉卒舉知府晉之上官欲加薦拔魁亦辭焉而躬耕以自給年八十五卒子文選舉康熙三十二年武

張朝宜平遠人康熙三十八年以材武舉於鄉需次授官屢立奇功官至右江鎮總兵卒於任賜祭葬諡祭文曰鞠躬盡瘁臣子之靖共賜卹報勒國家之盛典爾張朝宜性行純良才能稱職方冀遐齡忽聞長逝朕用悼焉特頒祭葬以慰幽魂嗚呼寵錫重泉庶沐匪躬之報名垂信史聿昭不朽之榮爾若有知尙克款奏朝宜功次著

志無文不得而紀故錄此文以存其梗概

王國賓平遠人少肄業陽明書院以博學能文雄其等輩兼善弓馬時稱有文武才
康熙五十年以文學生應武科舉於鄉年尚十八也雍正五年選衛千總以養親辭
後遂不仕以卒

田有成平遠人乾隆二十一年武舉累官至甘肅永昌副將延綏總兵賞花翎嘉慶
元年剿川陝教匪屢戰行間二年調南陽總兵仍剿教匪四年夜出擊賊傷左股以
原品乞休

府大定

艾如文平遠人乾隆三十六年由馬兵隨往金川攻二交阿仰格藏等處功補外委
旋擢把總三十九年隨征小金川升銅仁協右營千總四十年升行營守備閏十月
攻克扎烏山梁嗣卡賞戴花翎四十五年升陝西鄜州營都司五十一年遷直隸提

標左營遊擊五十九年升山西太原城守營參將六十年升蒲州協副將嘉慶元年
擢陝西興漢鎮總兵二年正月赴四川達州軍營隨同總督宜綏等剿辦賊匪偕副
將富明阿等由丹家壩一路會攻張家觀等賊卡如文率眾先登諸路官兵繼之擒
獲蕭良久等三百餘名賊退踞金峨寺清溪場兩處如文節營白瓦溝與總兵朱射

貴州通志

人物志五

三三一

斗等分路進攻朱射斗行抵漏月岩賊匪豫伏二千餘人突出相持適如文自白瓦
溝馳到兩面交攻殲斃多名恩賞象牙香囊大小荷包三月借朱射斗攻鷄爪嶺克
之焚其卡棚四月因先後攻克清溪塘場金峨寺要卡恩賞雕牙火鑲扳指大小荷
包尋因楚省匪徒竄至鄂西地方如文偕陝西提督柯藩帶兵赴商州雒南一帶剿
堵自興安赴洵陽白河敗賊於胡坪地即偕柯藩於漢江巡防五月因賊匪由紫陽
縣屬之白馬石地方搶船過江經都統惠齡入奏如文與柯藩均得旨嚴行申飭革
去花翎六月賊匪竄入簡地鋪如文赴上邕北山梁箭住賊匪分路搶撲官兵放鎗
迎擊賊始退回經柯藩奏入諭曰因前柯藩艾如文先在洵陰堵剿不能實力防範
以致賊匪偷渡過江是以將伊二人均革去花翎今看此情形艾如文尚能帶兵邀
殺賊匪勝柯藩遠甚功罪兩不相掩艾如文着仍賞戴花翎並加賞玉扳指大小荷
包續據陝西巡撫秦承恩奏艾如文在小龍溝剿賊情形得諭曰昨已降旨嚴飭柯
藩並將艾如文花翎賞還今閱秦承恩所奏情形該提鎮功過顯然賞罰纖毫不爽
閏六月如文驍賊至西鄉賊復竄入開縣等處即隨惠齡等分路馳擊南天洞火餘
壩白巖洞各屯聚賊匪均有斬獲旋帶兵駐守開縣復馳赴雲安場地方堵遏賊匪

奔竄慶巫之路三年於開縣東鄉萬縣一帶往來防堵六月四川總督勒保奏林亮
功一股賊匪自開州坪竄至葛藤山之後復從東南一帶奔逃艾如文等併力圍擊
路賊六百餘名但賊匪所竄之地正在艾如文等一面營卡未能全數殲擒究屬有
誤奉旨拔去花翎令其圖功自贖八月如文隨同勒保圍剿冷天祿一股賊匪於祖
師觀地方賊分股衝突經官兵截殺如文等從旁邀擊斃賊三四百名即從銅鼓包
進兵克之抵黎兒壩擒斬甚多衆遂潰散五年五月因前攻祖師觀賊巢時石中右
手腕骨節折損至是傷重經勒保奏聞奉旨與漢鎮總兵艾如文因打仗受傷已成
廢疾着加恩賞還花翎以原名休致在家食俸八年十一月卒

謝玉塔平遠人庠生幼失怙從胞兄泰塔受學同治甲寅冬季楊濬沅由黔西竄擾
六歸河勢張甚玉塔偵賊欲由平南出以至安順乃偕八步團首王元善隨官軍拒
之賊走令其子永清率衆設伏而自督團練追之至乾壩伏發賊大創墜水死者無
數復隨孫總兵攻勦鷄項嶺賊巢有功事平獎玉塔及其長子鍾良六品銜永安永
清七品銜鍾良舉人次子鍾嶽五子鍾傑廩膳生

平遠州

彭壽椿字懋齋平遠庠生以軍功授定番訓導候選知縣在籍充團總同治甲子城
守有功賊退籌善後復著勞績後隨丁文誠至蜀辦理賑政光緒乙酉卒於涇南年
五十有三

貴州通志

人物志五

三三一

守有功賊退籌善後復著勞績後隨丁文誠至蜀辦理賑政光緒乙酉卒於涇南年
五十有三